

judicaremus? Quidsi illorum conatus inspiratorii verum essent Verbum Dei nosque falleremur, & hactenus essemus decepti? Male quoque non raro ferebant Doctorum sincerorum & proborum virorum judicia, *frivola illa & praecipitata esse dicebant, mora esse opus, & aliquamdiu rem expendendam deliberandamque, quae statuenda sit semel; Parum abfuit, quin diceretur, in calcaneo eos habere cerebrum, qui sinistre de hac re judicent, & tantum non omnia extraordinaria rejiciant, die alles schlechterdings und blindlings verwerffen* / quasi blitei & fungi essent, qui praeter verbi divini praedicationem per ministerium publicum factam, aliam publicam & solennem, agnoscere volebant, aut etiamnum nolunt.

§. VI.

Utinam igitur postquam animum induxerant, decretoriam quoque & suam sententiam in publicas auras emittere, qua illud institutum Fanaticorum destruerent, & pro non divino tandem declararent, pura & intemerata mente tantum negotium & nostra aetate adeo arduum, ut nullum aliud, suscepissent, neque incendio illi quod Enthusiastae molirentur, & ut supra monitum, sub cinere quodammodo haeret, plus adhuc olei & materiae suppeditassent, ignemque sic tandem non extinguerent, quam, quod Pythagoras quondam serio prohibuit, *gladio eum foderent, & magis irritarent.* Sicut enim recte satis, etsi non absque immixtione quorundam, quae secus se habent, initio de verbi divini sufficiente & unica regula credendorum & agendorum praefantur, ita nonnulla asserta im nöthigen Unterricht von unmittelbaren Offenbarungen / adeo patrocinantur Fanaticis, cum primis subtilius rem suam agentibus, ut tandem videatur post tot tergiversationes idem doceri, quod ab Inspiratis creditur, discrimine toto in nudis circumstan-

cumstan-